



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Eidem.

urn:nbn:de:hbz:466:1-20006

Vide infra epist.
34.

cio fungeretur, & ad ejus audientiam per-
venisset quod archidiaconatus Veronensis
Ecclesiae tanto tempore jam vacaverat
quod secundum Lateranensis Concilij de-
creta ad nos ejus erat donatio devoluta,
ipse dilectum filium G. Subd. nostrum Ca-
nonicum basilicæ beati Petri Archidiaco-
num Veronensem instituit, & . Cleri-
cum de eodem archidiaconatu ipsius no-
mine investivit, tibi & Clericis Veronen-
sibus literis suis districte præcipiens ut ip-
sum G. in Archidiaconum Veronensem re-
cipere ac omnia quæ ad archidiaconatum
spectabant ei curaretis in integrum assig-
nare. Vos verò credentes vobis super in-
stitutione hujusmodi non modicum grava-
men inferri, nuntios vestros ad sedem apo-
stolicam destinatos misistis, rationes mul-
tiplices proponentes quare prædicta Car-
inalis institutio facta de Archidiacono
non teneret. Vnde nos inquisitionem to-
tius negotij venerabili fratri nostro Ferrariensi Episcopo & dilectis filiis Abbatii de
Vangadicia & Priori sancti Salvatoris de
Ficarol. duximus committendam, apo-
stolica ipsis auctoritate mandantes ut atte-
stationes utriusque partis redactas in scrip-
tis sub sigillis suis nostro apostolatui desti-
narent, præfigentes vobis terminum quo
recepturi sententiam ad nostram præsen-
tiā veniretis. Ipsi verò juxta mandatum
nostrum in ipso negotio procedentes, re-
ceperas attestationes utriusque partis no-
stro apostolatui direxerunt, ac tu cum
quibusdam Clericis Veronensibus pro ip-
suis decisione negotij ad nostram præsen-
tiā accessisti. Cumque super ipso nego-
tio fuisse coram nobis aliquandiu discep-
tatum, mediantibus tandem venerabili
fratre nostro Octaviano Episcopo Ostiensi
& dilecto filio Petro tituli sanctæ Cæciliae
& Iohanne tituli sanctæ Priscæ Presbyte-
ris Cardinalibus causa eadem de licentia
nostra fuit per arbitrium terminata. Ve-
rū ne te vel successores tuos, ceterum vel
Ecclesiam Veronensem contingat aliquan-
do super hoc indebet molestari, auctorite-
tate præsentium districtiū inhibemus ut
absque speciali mandato Romani Pontifi-
cis, quod etiam non sit per suppressionem
veritatis aut expressionem falsitatis elici-
tum, circa institutionem Archidiaconi vel
ordinationem archidiaconatus Ecclesiae
Veronensis nullus omnino procedat, nisi
forte Veronensis Episcopus & ejus capitu-
lum unanimi consensu canonice duxerint
procedendum. Quod si contra formam

hujusmodi cujuscunque fuerit temeritate
processum, nos quod taliter fuerit atten-
tatum decernimus irritum & inane. Nulli
ergo &c. prohibitionis & constitutionis
infringere. Datum Laterani VI. Idus
Maij.

Eidem.

T Va nobis fraternitas intimavit quod
quidam Abbates, Piores, monachi,
& alij Clerici Veronensis diocesis nimis
dissolutè viventes, non verentur multa tur-
pia perpetrare & lucris illicitis inhærere,
quibusdam etiam, quod deterius est, ma-
culatis hæretica feeditate, quorum mali-
tiam detestandam si quando juxta debi-
tum pastoralis officij extirpare labores, ut
liberiùs in malitia concepta perdurent, vo-
cem protinus appellationis emittunt, ut
ita imposito tibi silentio, canis mutus non
valens latrare dicaris & fautor etiam vi-
tiorum. Quare indulgeri tibi suppliciter
postulabas ut non obstante contradictione
vel appellatione cujuslibet, in eis posse
talia emendare. Nos igitur tibi tanquam
fratri carissimo, quantum justitia finit, de-
ferre volentes, ne hujusmodi prætextu ma-
leficia quæ publicè interest puniri, rema-
neant impunita, fraternitati tuae auctorita-
tate præsentium indulgemus quatenus
cùm appellationis remedium non ad de-
fensionem iniquitatis, sed ad subsidium
innocentia fuerit institutum, si præmissi
excessus & similes in his qui diocesana sunt
tibi lege subiecti fuerint manifesti, cùm
secundum traditiones canonicas accusa-
tione non indigent manifesta, in eos qui
talia perpetrarent provocacionis obice
non obstante rigorem exercere judicarium
non omittas. Si verò adversus aliquos Cle-
ricorum prædictorum super non manife-
stis criminibus quæstio coram te fuerit in-
tentata, semoto appellationis diffugio, si
qua interposita fuerit in elusionem ecclæ-
siasticæ disciplinæ, per distinctionem ec-
clæsiasticam hujusmodi poteris coercere.
Nulli ergo &c. concessionis &c. Datum
ut suprà.

Eidem.

T Va nobis fraternitas intimavit quod
laici Veronensis diocesis, viri etiam
& feminæ, nimis dissolutè viventes, non
verentur quæque turpia perpetrare, qui-
busdam maculatis hæretica feeditate, non
nullis, adulteriis & usuris, aliorumque cri-
minum generibus variis & diversis, quo-

Epist. 31.
Adversis im-
probis appelle-
tationes.
Vide Raynal-
dum ad 28.
1102, §. 7.

Epist. 33.
Do codem 22-
gumento.

rum, malitiam detestandam si quando juxta debitum &c. in eundem modum ut supra usque in finem. Datum ut supra.

Eidem.

Epist. 34.
Vide supra epist. **C**um pro quæstione archidiaconatus Veronensis Ecclesiæ de quo dilectum filium G. Subdiaconum nostrum Canonicum basilicæ beati Petri investierat dilectus filius G. tituli sanctæ Mariae Trans Tyberim Presbyter Cardinalis, cùm in Lombardiae partibus legationis officio funderetur, tu & idem G. in nostra essetis præsentia constituti, & coram nobis & fratribus nostris super attestacionibus quæstionis ejusdem, quæ de mandato nostro fuerunt in Lombardia receptæ, fuisse aliquandiu disceptatum, tandem eodem G. omni juri quod ex institutione facta per Cardinalem prædictum & electione per Canonicos Veronenses in Archidiaconum Veronensem habebat, in manibus venerabilis fratris nostri Octaviani Ostiensis Episcopi & dilectorum filiorum B. tituli sanctæ Cæciliae & I. tituli sanctæ Priscæ Presbyterorum Cardinalium renuntiante omnino tu & idem G. eorundem Episcopi & Cardinalium de licentia nostra vos arbitrio commisisti, qui deliberato consilio dictum G. Canonicum Veronensem Ecclesiæ instituere curaverunt, & ad augmentandos redditus ejus in ipsa Ecclesia tantum dari eidem à te de redditibus episcopalibus præceperunt unde centum libras Veronenses recipiat annuatim. Nos igitur quod per prædictos Episcopum & Cardinales deliberatione provida de licentia nostra & communii fratum nostrorum assensu dinoscitur esse factum, ratum habentes, eorum arbitrium, sicut est sine pravitate collatum, & ab utraque parte sponte receptum, auctoritate apostolica confirmamus & præsentis scripti pagina communimus. Nulli ergo. Datum ut supra.

Bituricensi Archiepiscopo, Episcopo Nivernensi, & Abboti Cluniacensi.

Epist. 35.
Quomodo procedendum sit,
adversus suspectos de heresi.
Vide lib. 2. epist.
43. 99. & lib.
10. epist. 206. **A**ccidentes nuper ad apostolicam sedem burgenses de Charitate contra venerabilem fratum nostrum Altissiodorensis Episcopum querimoniam intenderunt, asserentes quod cum olim idem Episcopus in eos tanquam suspectos de heresi excommunicationis sententiam promulgasset, ipsi tandem ad dilecti filii nostri P. tituli sancti Marcelli Presbyteri

Tom. I.

Cardinalis apostolicae sedis Legati presentiam accedentes, juraverunt se mandatis Ecclesiæ parituros. Vnde Cardinalis ipse in Concilio apud Divionem habitu præsentibus multis Archiepiscopis & Episcopis eos tam ab excommunicatione quam infamia prorsus absolvit, & penitentiam eis competentem injunxit, quam ipsi postmodum humiliter compleverunt. Cumque sicut eis injunctum fuerat ad nostram præsentiam accessissent, de processu negotij per Cardinalem eundem redditi certiores, pro ipsis venerabilibus fratribus nostris Eduensi & bonæ memoriae Matronensi Episcopis & tibi, fili Abbas, nostras curavimus literas destinare, ut eos, qui ad præsentiam nostram accesserant, denuntiaretis auctoritate nostra catholicos & fideles, nec permetteretis eos ab aliquo super erroris infamia propulsari, dummodo nihil de cetero contra fidem catholicam machinentur opere vel sermone. Mulieres autem quasdam de Charitate, quæ pro simili causa nostro se conspectui præsentarunt, & nos eis feceramus beneficium absolutionis impendi, senes quoque ac valerudinarios, & mulieres, quos hac infamie nota resperserat, & propter hoc fuerant vinculo excommunicationis astratti, vestræ discretioni commisimus, ut statueritis de ipsis quod videretis secundum Deum & fidem catholicam statuendum. Verum dictus Altissiodorensis Episcopus nec sic ab eorum molestatione desistens contra eos primò ad venerabiles fratres nostros Parisiensem, Suescionensem, & Silvanectensem Episcopos, secundò ad dilectos filios Decanum Parisiensem, Magistrum scholarum Aurelianensem, & Magistrum P. Werel. literas impetravit. Cum autem secundi judices attendentes quod per literas directas ad ipsos primas non fuerant literæ revocatae, burgenes ipsis à jurisdictione sua penitus abolivissent, intelligentes burgenes ipsis quod idem Episcopus malitiosa ageret contra eos, cum ut gravaret famam eorum, ad diversos judices literas impetraret, nec causam prosequeretur postmodum coram ipsis, ad nostram audientiam appellarent. Supervenientes autem supradictus Episcopus proposuit ex adverso quod cum olim prædicti burgenses super heretica pravitate fuisse malum fama respersi, nec ipsius se voluerint conspectui præsentare, qui propter hanc causam frequenter ad villam eorum de Charitate cum multis viris religio-

K K k ij